



Udruženje "Zaboravljena djeca rata"

Grbavička 32, 71000 Sarajevo

Tel: +387 62 549 374

zaboravljenadjecarata@outlook.com

www.zdr.org.ba

POZIV ZA UČEŠĆE na projektu „SIMBOLI IZGUBLJENE PROŠLOSTI“

Pojam kulture sjećanja možemo odrediti kao skup mehanizama i procesa kojima društvo prenosi, oblikuje i održava događaje iz prošlosti, i na taj način stvara podlogu na osnovu koje se tumači sadašnjost i kreira budućnost. Cilj projekta „Simboli izgubljene prošlosti“ je izgradnja drugačije kulture sjećanja koje će na osnovu ličnog iskustva i ličnih priča, prenijeti glas žena i djece, a sa ciljem da se njihovi životi ne zaboravljaju, te da na osnovu toga mladi uče, pamte i kritički misle kako bi spriječili zaborav uloge žene u ratnim i postratnim dešavanjima.

Prva aktivnost projekta je trodnevni trening na kojem će učesnicima biti pružena mogućnost da uče o komunikaciji, nasilju i razumjevanju sukoba, identitetu i različitosti, suočavanja sa prošlošću i izgradnji mira, a sve kroz interaktivne metode rada, iskustvene vježbe, igre uloga, analize. Realizacijom treninga učesnici će se pripremiti za direktni razgovor sa govornicama Žive biblioteke: ženama vojnkinjama, ženama žrtvama ratnog seksualnog nasilja, ženama koje su digle glas protiv rata i djecom rođenom zbog rata.

Kroz završnu aktivnost projekta pokretanjem građanske akcije odavanje počasti i memorijalizacija mira otvoriće se dijalog o postojećim modelima memorijalizacije, te će se ukazati da memorijalizacija mira predstavlja odavanje počasti žrtvama, bez obzira na njihovo porijeklo, što će omogućiti stvaranje prostora za konstruktivnu promjenu prema inkluzivnoj, nenacionalističkoj, ka miru okrenutoj kulturi sjećanja.

KAKO SE PRIJAVITI?

Ako želiš da budeš jedan/na od 15 mladih ljudi koji će učestvovati na projektu „Simboli izgubljene prošlosti“, treba da popuniš prijavni obrazac za učešće <https://bit.ly/3tbk9rB> do 04.04.2022. godine i pošalješ ga na mirna.zdr@outlook.com

Uslovi za prijavu :

- Dob od 18-25 godina.
- Dolaziš iz Sarajeva i Istočnog Sarajeva
- Posebno se ohrabruje učešće učesnika/ca koji/e ranije nisu imali/e priliku učestvovati u projektima koji se bave tematikom izgradnje kulture sjećanja.
- Ohrabruje se učešće oba pola, kao i ravnomjerna i ravnopravna zastupljenost učesnika/ca, što će biti jedan od kriterija izbora učesnika/ca.
- Nepotpune i neblagovremene prijave neće biti uzete u razmatranje.

U toku projekta Udruženje Zaboravljena djeca rata će snositi troškove prevoza i hrane svih učesnika projekta. Prilikom sprovođenja svih aktivnosti sve predložene epidemiološke mjere će biti poštovane na najvišem mogućem nivou. Za više informacija o programu možete nas kontaktirati na e-mail zaboravljenadjecarata@outlook.com ili mirna.zdr@outlook.com ili na broj telefon: +387 33 873 708

Budimo društvo jednakih vrijednosti, a ne društvo različitih etiketa.



Udruženje "Zaboravljena djeca rata"

Grbavička 32, 71000 Sarajevo

Tel: +387 62 549 374

zaboravljenadjecarata@outlook.com

www.zdr.org.ba

Projekat „Simboli izgubljene prošlosti“ podržan je od strane Evropske Unije. Sadržaj je isključiva odgovornost udruženja „Zaboravljena djeca rata“ i ne odražava nužno stavove Evropske Unije.

Budimo društvo jednakih vrijednosti, a ne društvo različitih etiketa.

ID: 4202204220006 - Intesa Sanpaolo Banka: 1541 8020 0756 1011 - IBAN: BA39 1541 8020 0756 1011 - SWIFT: UPBKBA22